



KOMUNIKADO PA PRENSA

Fecha
19 mei 2016

Kolaboradó di Maneho
Corinne Leysner

Email
corinne.leysner@gobiernu.cw

TRABOU DI MARKAMENTU TA SIGUI AWE NOCHI NA EMANCIPATIE BLVD DON MARTINA I NA FRATER RADULPHUSWEG

Willemstad – E trabounan di markamentu di kaya ku material dos komponente ta sigui awenochi djaweps dia 19 di mei, na dos sitio. E kontratista a kaba ku halamentu di strepi na Emancipatie boulevard Don Martina manera planiá, pero e tin djis algun figurashon pa kaba. Awenochi ta kaba esenan pa despues sigui ku e planifikashon.

Ku e proyekto di markamentu di kaya ku material dos komponente, Minister di Tráfiko, Transporte i Planifikashon Urbano, sra. Suzy Camelia-Römer ta boga pa hasi e kayanan di Kòrsou mas sigur pa tráfiko. Na mes un momento ta evitá di gasta sèn di komunidad na fèrf no duradero ku ta kita muchu lihé for di nos kareteranan.

E trabounan di awenochi ta nifiká ku Emancipatie boulevard Don Martina ta será awenochi di 8'or te ku 12' or di anochi. Despues ta sigui ku e siguiente parti di e trabou ku ta Frater Radulphusweg. Di 12'or di anochi te ku 4' or di mainta Frater Radulphusweg ta kompletamente será pa e kontratista hala liña i pa mesora traha e figuranan.

Riba djabièrnè i djasabra no tin markamentu pa asina duna tur hende, ku ta sali òf ku ta riba kaya mas lat ku den siman, oportunidat pa hasi uso di nos karateranan liberamente. E trabounan ta sigui riba djadumingu anochi. Ministerio di Tráfiko, Transporte i Planifikashon Urbano pa medio di Servisio di Obra Públiko i polis tékniko ta pidi públiko pa tene kuenta ku e trabounan i pa kore ku koutela.